



Hallo Schorsch, schee daß mer sich widder emol trifft, wie geht´s dann?

Noja, wie solls geje, wie immer halt, mer werd älder un´s Geld werd immer wenischer wert...

Wem seeste des, immer des selbe! Iwwerschens des hot´s a noch nit gewwe:

Was? Hosde was neies?

Ja, awwer des glaabsde nit! Do is doch tatsächlich e Fraa (53) aus Meenz ausgewandert, weil se die Hundeschdeier ferr ihrn klääne Terrier "Franek" nit bezahle konn...!

Klingd vellisch unglaubwirdisch, awwer die Meenzer war´n jo noch selten feinfihlend mit ihre Bürscher, wie iwwerall halt, awwer stimmt des donn werklich?

...hot doch in de Zeidung gestonne!

Donn stimmts werklisch, awwer verzeehl doch emol!

Also bass uff: So e alt Fraasche mit achthunnerd un e paar Euro Rende soll fer ihrn kloone Hund 186 Euro im Johr Hundeschdeier bezahle, was se mit dene paar Euro awwwer nit kann. Die Fraa is schwer kronk und hängt on dem Diersche, se will den Klääned nit abschaffe...

Deed isch aach nit ums verregge nit! Un weider...?

Bass uff, die Fraa is sauer un soll gesaad hawwe die SPD-regierd Stadt deds mache wie im Middelalder, wo mer die Schwerkronge oifach vor die Stadttore geschmisse hot... Sie hot donn noch e Hoffnung gesedzd uff die Großzischichkeit von de Stadt, daß die uff die Hundeschdeier in dem Fall verzischde deht...

Ah, un die hawwe der den Gafalle gedohn!

Denksde! En Dreck hawwe die, abgelehnt, die kronk Fraa muß fer des Hundsche bezahle ob se kann odder nit!

Unglabblisch, fer jeden Scheißdreck gewwe die Geld aus, do hätt mer doch werklisch emol e Ausnohm mache kenne! Un so Leid wolle jetzt aach noch gewehlt wern...

...hot sich die Fraa aach gedenkt un is in ihrer Not vor´s Gerischt gelaafe, weil se gedenkt hot, do sinn Leid, die was vum Leid vun errer ald kronk Fraa verstehe dun und die ihr helfe dehde...

Ah un des Gerischt hot des oigesehe und gemacht, daß die ald kronk Fraa die Hundeschdeier erlosse kriecht!

En Dreck! Verlor'n hot se und vergnaggt isse worn, fer die Schdeier zu bezahle!



Nit se glaabe, ei die kennde misch grad om Aasch legge, die Meenzer!

So ebbes ehnlisches hot se sich wohl gedengt, sie hot nehmlisch die Konsequense aus der Sach gezoоче!

Soo, was hot sen gemacht?

Ei ausgewonnerd is se! Aus, fort, onnern Midder hawwe aach scheene Dechter, verffstehst de des?

Unn wo hie? Namibia odder Kanada?

Nit gonz so weid, nooch "Enzklösterle" e werklich schee Flecksche Erd im scheene Schwarzwald un gonz ohne Hundeschdeier!

Boiiiing!

Meenzer Bürscherin verläßt wesche Hundeschdeier die Stadt Meenz

Donnerstag, den 24. April 2014 um 17:17 Uhr - Aktualisiert Montag, den 28. April 2014 um 23:15 Uhr
